

佛說十善業道經講要 科判

唐于闐三藏法師實叉難陀 譯 太虛大師 著

釋道淨 整理 20240726 2 稿 微信 qq 973451196 校對 禁止商用篡改 法律責任必究

表 1-1：(3 表)

| 科判 | | | | 經文 | | |
|------|-------------|-----------|---------|---------------------------------------------------------------------------------------------------------------------------------------------------------------------------|---------------|--|
| 懸論分二 | 一 契理與應機 | | 甲 契理之實義 | | | |
| | | | 乙 應機之對治 | | | |
| | 二 經題與譯題 | | 甲 釋經題 | | 佛說十善業道經 | |
| | | | 乙 釋譯題 | | 唐于闐三藏法師實叉難陀 譯 | |
| 釋經分三 | 甲一、證信 | | | 如是我聞：一時佛在娑竭羅龍宮，與八千大比丘眾、三萬二千菩薩摩訶薩俱。 | | |
| | 乙一、明世出世業果分四 | 丙一、就因明果 | | 爾時世尊告龍王言： “一切眾生心想異故，造業亦異，由是故有諸趣輪轉。 | | |
| | | 丙二、即果明因 | | 龍王！汝見此會及大海中，形色種類各別不耶？ 如是一切，靡不由心造善不善身業、語業、意業所致。 | | |
| | | 丙三、舉因相明分三 | 丁一、觀心無主 | 而心無色不可見取，但是虛妄諸法集起，畢竟無主無我所。 | | |
| | | | 丁二、觀法如幻 | 雖各隨業所現不同，而實於中無有作者，故一切法皆不思議，自性如幻。 | | |
| | | | 丁三、勸應修善 | 智者知己，應修善業，以是所生蘊處界等皆悉端正，見者無厭。 | | |
| | | 丙四、舉果相證分五 | 丁一、以佛果證 | 龍王！汝觀佛身，從百千億福德所生，諸相莊嚴，光明顯曜蔽諸大眾；設無量億自在梵王，悉不復現。 其有瞻仰如來身者，豈不目眩！ | | |
| | | | 丁二、以菩薩證 | 汝又觀此諸大菩薩，妙色嚴淨，一切皆由修習善業福德而生。 | | |
| | | | 丁三、以天龍證 | 又諸天龍八部眾等，大威勢者，亦因善業福德所生。 | | |
| | | | 丁四、以海眾證 | 今大海中所有眾生，形色粗鄙，或大或小，皆由自心種種想念，作身語意諸不善業，是故隨業各自受報。 | | |
| | | 丙五、結勸修學 | | 汝今當應如是修學，亦令眾生了達因果，修習善業。 汝當因此正見不動，勿復墮在斷常見中！ 於諸福田歡喜敬養，是故汝等亦得人天尊敬供養。 | | |
| | 乙二、正明十善業道分三 | 丙一、顯善法用 | | 龍王當知！菩薩有一法，能斷有一切諸惡道苦。 何等為一？謂於晝夜常念思惟觀察善法，令諸善法念念增長，不容毫分不善間雜。 是即能令諸惡永斷，善法圓滿，常得親近諸佛菩薩及餘聖眾。 | | |
| | | 丙二、釋善法名 | | 言善法者：謂人天身、聲聞菩提、獨覺菩提、無上菩提、皆依此法以為根本而得成就，故名善法。 | | |
| | | 丙三、出善法相 | | 此法即是十善業道。何等為十？謂能永離殺生，偷盜，邪行，妄語，兩舌，惡口，綺語，貪慾，嗔恚，邪見。 | | |
| | 乙三、明十善業功德分十 | 丙一、明離殺生功德 | | 龍王！若離殺生，即得成就十離惱法。何等為十？ 一、於諸眾生普施無畏；二、常於眾生起大慈心； 三、永斷一切嗔恚習氣；四、身常無病；五、壽命長遠； 六、恆為非人之所守護；七、常無惡夢寢覺快樂； 八、滅除怨結，眾怨自解；九無惡道怖；十、命終生天：是為十。 若能迴向阿耨多羅三藐三菩提者，後成佛時，得佛隨心自在壽命。 | | |

表 1-2: (3 表)

| | | | | |
|------|---------|-------------|-----------|-------------------------------------------------------------------------------------------------------------------------------------------------------------------------------------------------------------|
| 釋經分三 | 甲二、正說分五 | 乙三、明十善業功德分十 | 丙二、明離偷盜功德 | <p>複次、龍王！若離偷盜，即得十種可保信法。何等為十？</p> <p>一、資財盈積，王賊水火及非愛子不能散滅；二、多人愛念；三、人不欺負；四、十方讚美；五、不憂損害；六、善名流佈；七、處眾無畏；八、財命色力安樂辯才具足無缺；九、常懷施意；十、命終生天：是為十。</p> <p>若能迴向阿耨多羅三藐三菩提者，後成佛時，得證清淨大菩提智。</p> |
| | | | 丙三、明離邪行功德 | <p>複次、龍王！若離邪行，即得四種智所贊法。何等為四？</p> <p>一、諸根調順；二、永離諠掉；三、世所稱歎；四、妻莫能侵：是為四。</p> <p>若能迴向阿耨多羅三藐三菩提者，後成佛時，得佛丈夫隱密藏相。</p> |
| | | | 丙四、明離妄語功德 | <p>複次、龍王！若離妄語，即得八種天所贊法。何等為八？</p> <p>一、口常清淨優鉢花香；為諸世間之所信伏；三、發言成證，人天敬愛；四、常以愛語安慰眾生；五、得勝意樂，三業清淨；六、言無誤失，心常歡喜；七、發言尊重人天奉行；八、智慧殊勝無能制伏：是為八。</p> <p>若能迴向阿耨多羅三藐三菩提者，後成佛時，即得如來真實語。</p> |
| | | | 丙五、明離兩舌功德 | <p>複次、龍王！若離兩舌，即得五種不可壞法。何等為五？</p> <p>一、得不壞身，無能害故；二、得不壞眷屬，無能破故；三、得不壞信，順本業故；四、得不壞法行，所修堅固故；五、得不壞善知識，不誑惑故：是為五。</p> <p>若能迴向阿耨多羅三藐三菩提者，後成佛時，得正眷屬，諸魔外道不能沮壞。</p> |
| | | | 丙六、明離惡口功德 | <p>複次、龍王！若離惡口，即得成就八種淨業。何等為八？</p> <p>一、言不乖度；二、言皆利益；三、言必契理；四、言詞美妙；五、言可承領；六、言則信用；七、言無可譏；八、言盡愛樂：是為八。</p> <p>若能迴向阿耨多羅三藐三菩提者，後成佛時，具足如來梵音聲相。</p> |
| | | | 丙七、明離綺語功德 | <p>複次、龍王！若離綺語，即得成就三種決定。何等為三？</p> <p>一、定為智人所愛；二、定能以智如實答問；三、定於人天威德最勝，無有虛妄：是為三。</p> <p>若能迴向阿耨多羅三藐三菩提者，後成佛時，得如來所授記皆不唐捐。</p> |
| | | | 丙八、明離貪慾功德 | <p>複次、龍王！若離貪慾，即得成就五種自在。何等為五？</p> <p>一、三業自在，諸根具足故；二、財物自在，一切怨賊不奪故；三、福德自在，隨心所欲，物皆備故；四、王位自在，珍奇妙物皆奉獻故；五、所獲之物，過本所求百倍殊勝，由於昔時不慳嫉故：是為五。</p> <p>若能迴向阿耨多羅三藐三菩提者，後成佛時，三界特尊，皆共敬養。</p> |
| | | | 丙九、明離嗔恚功德 | <p>複次、龍王！若離嗔恚，即得八種喜悅心法。何等為八？</p> <p>一、無損惱心；二、無嗔恚；三、無諍訟心；四、柔和質直心；五、得聖者慈心；六、常作利益安眾生心；七、身相端嚴，眾共尊敬；八、以和忍故，速生梵世：是為八。</p> <p>若能迴向阿耨多羅三藐三菩提者，後成佛時，得佛無礙心，觀者無厭。</p> |
| | | | 丙十、明離邪見功德 | <p>複次、龍王！若離邪見，即得成就十功德法。何等為十？</p> <p>一、得真善意樂，真善等侶；二、深信因果，寧殞身命終不作惡；三、惟歸依佛，非余天等；四、直心正見，永離一切吉凶疑網；五、常生人天不更惡道；六、無量福慧轉轉增勝；七、永離邪道行於聖道；八、不起身見，舍諸惡業；九、住無礙見；十、不墮諸難：是為十。</p> <p>若能迴向阿耨多羅三藐三菩提者，後成佛時，速證一切佛法，成就自在神通”。</p> |

表 1-3: (3 表)

| | | | | | |
|------|---------|-------------|-----------|------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 釋經分三 | 甲二、正說分五 | 乙四、明十善業勝行分三 | 丙一、明六度分二 | 丁一、廣明佈施度 | <p>爾時、世尊復告龍王言：</p> <p>“若有菩薩依此善業，於修道時，能離殺害而行施故，常富財寶無能侵奪，長壽無夭，不為一切怨賊損害。</p> <p>離不與取而行施故，常富財寶無能侵奪，最勝無比，悉能備集諸佛法藏。</p> <p>離非梵行而行施故，常富財寶無能侵奪，其家貞順，母及妻子無有能以欲心視者。</p> <p>離虛誑語而行施故，常富財寶無能侵奪，離眾毀謗，攝持正法，如其誓願所作必果。</p> <p>離離間語而行施故，常富財寶無能侵奪，眷屬和睦，同一志樂恆無乖爭。</p> <p>離粗惡語而行施故，常富財寶無能侵奪，一切眾會歡喜歸依，言皆信受無違拒者。</p> <p>離無義語而行施故，常富財寶無能侵奪。言不虛設，人皆敬受，能善方便斷諸疑惑。</p> <p>離貪求心而行施故，常富財寶無能侵奪，一切所有悉以惠舍，信解堅固，具大威力。</p> <p>離忿怒心而行施故，常富財寶無能侵奪，速自成就無礙心智，諸根嚴好見皆敬愛。</p> <p>離邪倒心而行施故，常富財寶，無能侵奪，恒生正見敬信之家，見佛聞法供養眾僧，常不忘失大菩提心。</p> <p>是為大士修菩薩道時，行十善業，以施莊嚴所獲大利。</p> |
| | | | | 丁二、略明餘五度 | <p>如是龍王！</p> <p>舉要言之，行十善道，以戒莊嚴故，能生一切佛法義利，滿足大願；</p> <p>忍辱莊嚴故，得佛圓音具眾相好；</p> <p>精進莊嚴故，能破魔怨，入佛法藏；</p> <p>定莊嚴故，能生念慧慚愧輕安；</p> <p>慧莊嚴故，能斷一切分別妄見。</p> |
| | | | 丙二、明眾行分三 | 丁一、四無量心 | 慈莊嚴故，於諸眾生不起惱害。悲莊嚴故，愍諸眾生常不厭舍。喜莊嚴故，見修善者心無嫌嫉。舍莊嚴故，於順違境無愛恚心。 |
| | | | | 丁二、四攝 | 四攝莊嚴故，常勤攝化一切眾生。 |
| | | | | 丁三、三十七菩提分等 | <p>念處莊嚴故，善能修習四念處觀。</p> <p>正勤莊嚴故，悉能斷除一切不善法，成一切善法。</p> <p>神足莊嚴故，恆令身心輕安快樂。</p> <p>五根莊嚴故，深信堅固，精勤匪懈，常無迷妄，寂然調順斷諸煩惱。</p> <p>力莊嚴故，眾怨盡滅，無能壞者。</p> <p>覺支莊嚴故，常善覺悟一切諸法。</p> <p>正道莊嚴故，得正智慧常現在前。</p> <p>止莊嚴故，悉能滌除一切結使。</p> <p>觀莊嚴故，能如實知諸法自性。</p> <p>方便莊嚴故，速得成滿為無為樂。</p> |
| | | | 丙三、結廣 | | <p>龍王當知！</p> <p>此十善業，乃至能令十力、無畏、十八不共一切佛法，皆得圓滿。是故汝等應勤修學。</p> |
| | | | 乙五、明十善業殊勝 | | <p>龍王！譬如一切城邑聚落皆依大地而得安住，一切藥草卉木林橡亦依地而得生長。</p> <p>此十善道，亦復如是：一切人天依之而立，一切聲聞、獨覺菩提，諸菩薩行，一切佛法，鹹共依此十善大地而得成就”。</p> |
| | | | 甲三、流通 | | 佛說此經已，娑竭羅龍及諸大眾，一切世間天人阿修羅等，皆大歡喜，信受奉行。 |